

Euskal AEko biztanleen batez besteko errenta ia 600 eurotan gehitu da 2015ean

Familien batez besteko errenta 41.058 euro 2015ean, %2,4 gehitu da

Eustatek Araba, Bizkai eta Gipuzkoako foru-aldundiekin egindako Errenta Pertsonal eta Familiarraren Estatistika datuen arabera, 2015ean, Euskal AEko 18 urteko eta gehiagoko biztanleen batez besteko errenta pertsonala 19.968 euro, 2014an baino 589 gehiago.

Errentaren %59,8, lanetik; 11.950 euro batez beste. Gainerakoa: %27,1 gizarte-transferentzia edo prestazioetatik, batez beste 5.410 euro; %4,8 jarduera ekonomikoetatik, batez beste 952 euro; %8,2 kapital-errentetatik, higarritik zein higiezinetik, batez beste 1.646 euro.

2014koen aldean, jarduera ekonomikoen errentak ehuneko %8,1 gehitu dira; transferentzienak %7,5; lanekoak %1,1; kapital-errentak %0,7 (higiezinak %+6,4, higarriak %-1,1).

18 urteko eta gehiagoko biztanleen %87,5ek jasotzen du errentaren bat. %12,5ek ez du inolako sarrerarik izan 2015ean. Pertsonen %60,1en errenta Euskal AEko batez bestekoaren azpitik da, errentarik gabekoak barne; %11,8k batez bestekoa halako bi jasotzen du, 39.900 euro pasatxo.

1. taula. Batez besteko errenta pertsonala, motari jarraiki, lurralde historikoaren eta sexuaren arabera (eurotan). 2015

	Euskal AE			Araba/Álava			Bizkaia			Gipuzkoa		
	Total	Gizonak	Emakumeak	Total	Gizonak	Emakumeak	Total	Gizonak	Emakumeak	Total	Gizonak	Emakumeak
Errenta guztira	19.968	25.152	15.175	19.789	24.618	15.168	19.589	24.899	14.769	20.669	25.802	15.852
Lanaren errenta	11.950	15.151	8.990	12.193	15.206	9.310	11.785	15.042	8.830	12.109	15.302	9.113
Capital errenta	1.246	1.465	1.044	1.096	1.250	948	1.158	1.343	990	1.459	1.759	1.178
Jardueren errenta	952	1.351	583	869	1.196	556	952	1.382	561	990	1.372	632
Transferentziak	5.419	6.820	4.124	5.262	6.618	3.965	5.330	6.804	3.992	5.637	6.940	4.413
Errenta baliagarria	16.731	20.804	12.965	16.667	20.466	13.033	16.390	20.519	12.643	17.317	21.416	13.470

Iturria: Eustat. Errenta pertsonal eta familiarraren estatistika

Emakumeen batez besteko errenta ia 10.000€ txikiagoa gizonena baino

Errenta ez dago berdin banatuta gizon eta emakumeen artean. Euskal AEko gizonezkoek batez besteko 25.152€ errenta dute eta emakumezkoek 15.175€; gizonezkoek 9.977€ gehiago.

Gizonezkoen eta emakumezkoen errenta pertsonalen arteko alde nabarmenenak 65 eta 69 urte artean; gizonena, batez beste, 17.393€ gehiago.

Errenta pertsonal handiena 55 eta 59 urte bitartean eskuratzen da: 33.990 euro, batez beste, gizonek; 19.902 emakumeek. Adin horretako emakumeak daude 18 urteko eta gehiagoko batez besteko errentatik gertuen; 66 euro falta.

Gipuzkoak du errenta pertsonalik altuena, 20.669€; Arabak, 19.787€; Bizkaiak, 19.589€. 2014koaren aldean, Gipuzkoan %4,0 gehitu da; Bizkaian %2,7; Araban %2,3.

Hiriburuetako batez besteko errenta pertsonalak Euskal AEko batez bestekoaren gainetik daude. Lehenen Donostia dugu, 23.469€; Bilbon 20.313€; Gasteizen 20.014€.

Familien batez besteko errenta 41.058 euro 2015ean


Familien batez besteko errenta, 41.058 euro 2015ean; familien erdiek 32.946tik beherakoa. Familia-errenta berau osatzen duten adin nagusikoen errentak batuz lortzen da. Gipuzkoak, pertsonen kasuan bezalaxe, familia-errenta altuena, 42.231€; Bizkaiak 40.887€; Arabak 39.133€. Euskal AEko familien batez besteko diru-sarrerak batez besteko errenta pertsonala 2,1 aldiz dira.

Familien batez besteko errenta %2,4 gehitu da 2014tik 2015era Erkidegoan. Gipuzkoan %3,9; Bizkaian %1,9; Araban %1,8.

Familien %62,3k Euskal AEko batez bestekoaren azpiko errentaren bat dute, edo errentarik ez. Errentarik gabe familien %2,2 bizi da. %8,9k batez bestekoa halako bi pasa jasotzen dute, 82.116 euro.

“Genero-arraila” bada familiaren diru-sarreretan. Errenta-jasotzaile nagusia gizon ala emakume izan, bada alderik. Familian errenta-jasotzaile nagusia gizon denean, batez besteko diru-sarrerak 45.180€ dira eta familia gehienak geruza ertain eta goikoetan metatzen dira; emakume denean familiaren batez besteko errenta 35.578€ eta beheko errenta-geruzetan daude.

1. grafikoa: Familiak, famili errentaren geruzari jarraiki, hartzaile nagusiaren sexuaren arabera. Euskal AE (%). 2015



Iturria: Eustat. Errenta pertsonal eta familiarraren estatistika

Donostiak familia-errentarik handiena hiriburuetan

Donostiak familia-errentarik handiena, 47.915€; Bilbok 41.353€, Gasteizek 39.129€.

Eskualde mailan badira aldeak Euskal AEko 20en artean. 8 Erkidegoko batez bestekoaren gaineratik, Gorbeia inguruak, Araban (49.339€); Plentzia-Mungia, Bizkaian (48.563€), Goierri Gipuzkoan (43.720€) nabarmen. Hamabi eskualde batez bestekoaren azpitik. Behealdean, Enkarterriak, Bizkaian (34.967€); Bidasoa behekoa, Gipuzkoan (38.507€); Errioxa, Araban (32.901€) Euskal AEko baxuena.

Informazio gehiago:

Eustat - Euskal Estatistika Erakundea / Instituto Vasco de Estadística

Donostia-San Sebastián, 1. 01010 Vitoria-Gasteiz

Prentsa zerbitzua: servicioprensa@eustat.eus Tel.: 945 01 75 62